




404






焦氏易林


Centimetres  
TIPPEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black







易林卷第八



坎上坎下

有黃鳥足歸呼季玉從我睢陽可辟  
刀兵與福俱行有命久長

未詳

之乾

太王爲父季歷孝友文武聖明仁德  
興起弘張四國載福綏厚

季歷周太王子薦生文王商紂無道文王三分天下有其二武王伐紂遂有天下

坤

援墮高木不踐手足保我金玉還歸其室

無註

屯

重耳恭敏遇讒出處北奔狄戎經涉齊楚以秦代懷誅殺子圉身為霸主重耳晉文公名被驪姬之譖處於蒲歷奔諸國及反秦伯誘殺懷公而代立圉懷公名

蒙

倚鋒擣戟傷我肯臆拜折不息

無註

需

狗冠雛步君失其居出門抵山行者  
憂難水灌我國高陸為泉

無註

訟

衆鳥所翔中有大壯爪牙長頭為我  
驚憂

無註

師

雷行相逐無有休息戰於平陸為夷  
所覆

無註

比

禹鑿龍門通利水泉同注滄海民得  
安土

按書禹貢龍門屬雍州在今馮翊

夏陽縣以下皆言禹治水之功

小畜

堯舜仁德養賢致福衆英積聚國無  
寇賊商人失利來爭寶貨

堯唐帝名舜虞帝名皆仁德之君  
也書大禹謨野無遺賢萬邦咸寧

履

陸居少泉山高無雲車行千里塗不

汚輪渴為我怨佳思廣得

無註

泰

朝視不明夜不見光皆抵空床季女  
奔亡愴焉心傷

無註

否

齊魯求國仁聖輔德進禮雅言定公

以安

春秋定公十年會齊侯于夾谷孔子相之黎彌言於齊侯曰孔子知禮而無勇若使萊人以兵劫之必得志齊侯從之兩君就壇兩相相揖齊人鼓譟而進欲以執魯君孔子歷階升曰吾兩君之好夷狄之民何為來為命司馬止之齊侯乃

謝曰寡人之過也退而與二三大夫曰魯以君子之道輔其君子以夷狄之俗教寡人遂歸所侵鄆汶龜陰之田以謝魯

同人

束帛玄珪君以布德伊呂百里應聘  
輔國

按書舜典五玉三帛皆諸侯所執

以覲者也又禹貢云禹執玄圭告厥成功伊尹相湯呂望興周百里奚事秦皆國之良輔也

大有

棘鉤我襦為絆所拘靈巫拜禱禍不成災東山之邑中有土服可以饒飽

無註

謙

豫

門燒屋燔為下所殘西行出戶順其道里虎臥不起牛羊歡喜

無註

牆高蔽日崑崙翳月遠行無明不見歡叔

崑崙之墟在西北方去嵩高五萬里地之中其高萬一千里出賦題



隨

天地際會不見內外祖辭遣送與世

長決

無註

蠱

深水難涉塗難至轂牛罷不進潭陷

我疾

無註

臨

羊驚狼虎獼猴群走無益於僵為齒

所傷

無註

觀

履虵躡虺與鬼相視驚哭失氣如騎

虎尾

虵虺皆陰物按詩何人斯篇為鬼

爲蜮則不可得有醜面目視人固極

噬嗑

車驚人墮兩輪脫去行者不至主人憂懼結締復解夜明爲喜

無註

賁

南販北賈與怨爲市利得自治

剝

語云放於利而行多怨

延陵適魯觀樂太史車麟白巔知秦興起卒兼其國一統爲主

史記吳季札號延陵季子聘上國觀樂于周詩有車鄰鄰有馬白顛鄰鄰車聲白顛額有白毛是時秦始有車馬故知其興起也

復

出門逢患與禍為怨更相擊刺傷我

手端

無註

無妄

獐鹿同走自燕嘉喜公子好遊他人

多有

無註

大畜

恭寬相信履福不殆從其邦域與喜

相得

孔子曰恭則不侮寬則得眾

頤

欲飛無翼鼎重折足失其喜利苞羞

為賊上妻之家喜除我憂解吾患愁

易鼎卦九四鼎折足覆公餗苞當

作包否卦六三包羞象曰位不當也

大過

府藏之富王以振貸捕魚河海罟網

多得

無註

離

陰生麀鹿鼠舞鬼哭靈龜陸蒙金甌

草土仁智盤桓國亂無緒

無註

咸

風塵暝迷不見南北行人失路復反

其室

無註

恒

金革白黃宜利戒市嫁娶有息商人

悅喜

無註

遯

匏瓜之德宜繫不食君子失與官政

懷憂

匏瓠也孔子曰吾豈匏瓜也哉焉能繫而不食

大壯

晉

乘船渡濟載水逢火賴得免患蒙我所恃

無註

道塗多石傷車折軸與市為仇不利客宿

無註

明夷

託寄之徒不利請求結衿無言乃有  
悔患

無註

家人

三羊爭妻相逐奔馳終日不食精氣  
竭罷

無註

睽

乘船渡濟載冰逢火賴得免患蒙我  
所恃

無註

晉

道塗多石傷車折軸與市為仇不利  
客宿

無註

明夷

託寄之徒不利請求結衿無言乃有  
悔患

無註

家人

三羊爭妻相逐奔馳終日不食精氣

竭罷

無註

睽

益

設網張羅捕魚園池網罟自決雖得  
復失危訴之患受其低歡

無註

夫

路與縣休侯伯恣驕上失其盛周室

衰微

周自平王東遷之後諸侯强大王

室遂衰路與縣休未詳

始

逐走追亡相及扶桑復見其鄉使我  
悔喪

無註

萃

履福綏厚載福受祉衰微復起繼世  
長久疾病獻凌晉人赴告

升

按春秋魯成公十年六月晉侯疾  
欲麥使甸人獻麥饋人為之將食  
張如廁陷而卒凌當作麥

鯨寡孤獨祿命苦薄入宮無妻武子  
哀悲

按春秋魯襄公二十五年崔武子  
欲娶棠姜筮之其繇曰入其宮不



見其妻凶

困

山没丘浮陸為水魚燕雀無巢民無  
室廬

無註

井

冠帶南遊與福喜期徼於嘉國拜為  
逢時

無註

革

東行亡羊失其羝祥少婦無夫獨坐  
空廬

無註

鼎

探巢捕魚耕田捕鰯費日無功右手  
空虛

無註

震

東行飲酒與喜相抱福吾家利來從  
父母水澤之徒望邑而處

無註

艮

妄怒失精自令畏悔忪忪之懼君子  
無咎

無註

漸

白雲如帶徃徃旗處飛風送迎大電  
將下擊我禾稼僵死不起

無註

歸妹

南至之日陽消不息北風烈寒萬物  
歲伏

按春秋魯僖公五年日南至公登  
觀臺以望雲氣周正月今十一月  
冬至之日日南極是也

豐

火中仲夏鴻鴈來舍體重難移未能  
高舞君子顯名不失其譽  
書堯典日永星火以正仲夏火謂  
大火夏至昏之中星也

旅

北行出門履陷躓顛踈足擾塗汚我  
襦袴

無註

巽

輕車駸祖焱風暴起促亂祭器飛揚  
錯華明神降祐道無害寇

無註

允

酒為歡伯除憂來樂福喜入門與君  
相索使我有德

無註

渙

三足狐烏靈明督郵司過罰惡自賊  
其家毀敗為憂

漢天文日中有三足烏

節

三河俱合水怒湧躍壞我王屋民飢  
於食

三河河東河內河南在天下之中

中孚

南行囊園惡虎畏班執火消金使我  
無患

無註

小過

求鹿過山與利為怨聞聲不言誰知其歡

無註

既濟

行旅困蹇失明守宿囹圄之憂啓執  
出遊

囹圄獄名

未濟

據棘履危跌刺為憂夫婦不和亂我  
良家

無註

☲☱  
離上下  
離

時乘六龍為帝使東達命宣旨無所  
不通

易乾卦時乘六龍以御天

之乾

執轡四驪王以為師陰陽之明載受

東齊

太公遇文王立為師後封于齊

坤

春秋禱祝解過除憂君子無咎

無註

屯

坐車乘軒據國子民虞叔受命六合

和親

武王克殷求泰伯仲雍之後得周

章已為吳君別封其弟虞仲於周

之北故夏墟為西吳後世謂之虞

公

蒙

開戶下堂與福相迎祿于公室曾孫

以昌

無註

需

高木腐巢漏濕難居不去甘棠使我

無憂

甘棠美召伯也詩云蔽芾甘棠勿  
翦勿伐甘棠杜梨也

訟

三女為姦俱遊高園倍室夜行與伯  
突言不忍主母為設歡酒寃尤誰禱  
按列女傳周大夫主父妻淫於鄰  
人恐主父覺其淫者為毒酒使媵  
婢進之媵婢心知之計進之則殺  
主父不義言之又殺主母不忠因  
陽僵覆酒主父怒而笞之妻恐媵  
婢言其事以他過笞欲殺之媵婢

知將死終不言

師

漏卮盛酒無以養老春貸黍稷年歲  
實有履道坦坦平安何咎

無註

比

松柏枝葉常茂不落君子惟體日富  
安樂

目當作日

小畜

夫婦不諧為燕攻齊良弓不張騎駟

憂凶

未詳

履

出令不勝反為大灾強不尅弱君受  
其憂



其無註

泰

犇牛相錯敗亂緒業民不得作

無註

否

載璧秉珪請命於河周公剋敏冲人

瘳愈

初成王少時病周公乃自揃其蚤

同人

沈之河以祝於神曰王少未有識  
奸神命者乃旦也王病有瘳

素車偽馬不任重負王侯出征憂危

為咎

無註

大有

大樹之子同條共母比至火中枝葉

盛茂

無註

謙

壅遏隄防水不得行火盛陽光陰蜺

伏藏走婦其歸

無註

豫

五嶽四瀆合潤為德行不失理民賴

恩福

五嶽山名四瀆江河淮濟

隨

駕駿南遊虎驚我羊陰不奉陽其光

顯揚言之謙謙奉義解患

無註

蠱

早霜晚雪傷害禾麥損功弃力飢無

所食

無註

臨

岐周海隅有樂無憂可以辟難全身

保財

周太王辟狄人之患邑于岐山之

下伯夷辟紂居北海之濱

觀

陰蔽其陽日闇不明君憂其國求駢

得黃駒犢從行

無註

噬嗑

金城鐵郭上下同力政平民歡寇不

敢賊

漢關中金城千里天府之國也

賁

平公有疾迎醫秦國和不能知晉人  
赴國

春秋晉侯有疾求醫於秦使醫和  
視之曰疾不可為也公遂卒而訃  
焉

剝

戴堯扶禹從喬彭祖西過王母道里  
夷易無敢難者

堯唐帝名禹夏禹妣姓喬王喬古  
仙人名彭祖堯時人壽至八百王  
母仙子也

復

羔羊皮革君子朝服輔政天德以合  
萬國

詩羔羊之皮素絲五純羔羊之革  
素絲五絨言南國化文王之德在

位皆節儉正直故詩人美其衣服有常也

無妄

據鍾鼓翼將軍受福安帖之家虎狼與憂履危不強師行何咎

無註

大畜

嫡庶不明孽亂生殃陳失其邦

頤

春秋魯昭公八年陳哀公嬖二妃諸公子爭立楚遂滅陳

鳥驚狐鳴國亂不寧上弱下強為陰

所刑

無註

大過

六月採芑征伐無道張仲方叔剋勝

飲酒

六月采芑皆詩名六月建未之月也時獫狁內侵宣王命尹吉甫帥師伐之有功而歸詩人作歌以叙其事司馬法冬夏不興師今六月而出師者以獫狁之故也采芑之詩言蠻荆背叛王命方叔南征軍行采芑而食故賦其事張仲吉甫

坎

之友是時燕飲張仲在焉

被繡夜行不見文章安坐玉堂乃無咎殃長子帥師得其正當

項羽云富貴不歸故鄉如衣錦而夜行又易師卦六五長子帥師以中行也

咸

昧暮乘車東至伯家踰梁越河濟脫  
無他

無註

恒

東風解凍和氣兆升年歲豐登

無註

遯

三狸搏鼠遮逼前後無於還域不得

脫走

無註

大壯

綏德孔明履祿父長貴且有光疾病

憂傷

無註

晉

三虎搏狼力不相當如摧壅祐一擊

破亡

無註

明夷

使伯東乘恨不肯行與叔爭訟更相

毀傷

無註

家人

把空握虛鴉驚我難利去不來

睽

無註

李華再實鴻升降集仁哲以興隆國

無賊

無註

蹇

東山臯洛一朝殞落勇悍不服金珠  
玩好衣爲身賊



春秋閔公二年冬晉侯使太子申  
生伐東山臯洛氏衣之偏衣佩之  
金珎衣身之章也佩衷之旗也故  
敬其事則命以始服其身則衣之  
純用其衷則佩之度今命以時卒  
闕其事也衣之厯服遠其躬也佩  
以金珎棄其衷也服以遠之時以  
闕之厯涼冬殺金寒珎離胡可恃

解

飛文汚身為邪所牽青蠅分白貞孝  
放逐

詩青蠅篇營營青蠅止于棘註青  
蠅汙穢能變白黑以比讒人也

損

南山大木文身其目制命出令東里  
田畝尊主安居鄭國無患

子產為鄭國之政都鄙有章上下  
有服田有封洫廬井有伍輿人誦  
之曰取我衣冠而褚之取我田疇  
而伍之孰殺子產吾其與之及三  
年又誦之曰我有子弟子產誨之  
我有田疇子產殖之子產之死誰  
其嗣之

益

泉起崑崙東出玉門流為九河無有

憂患

按禹貢崑崙即河源所出在臨羌  
縣又云九河既道爾雅一曰徒駭  
二曰太史三曰馬頰四曰覆鬴五  
曰胡蘇六曰簡潔七曰鈎盤八曰  
鬲津其一則河之經流也

夫

命短不長中年夭傷鬼泣哭堂哀其

子亡

無註

始

君臣不和上下失宜宋子哭歌

無註

萃

苛政日作螟食華葉割下啖上民被

其賊秋無所得

無註

升

南行戴鎧登場九魁車傷牛罷日暮

咨嗟

無註

困

春東夏南隨陽有功與利相逢

無註

井

頭尾顛倒不知緒處君失其國

無註

革

言無要約不成券契殷叔季姬公孫  
爭之強入委禽不悅子南

鄭徐吾犯之妹美公孫楚聘之矣

鼎

公孫黑又使強委禽焉註云禽鴈  
也納採用鴈事見春秋魯昭公元  
年殷叔未詳

缺破不成胎郊不生不見其形

無註

震

見地交悟惜玩畏惡心乃無悔

無註

良

河水孔穴壞敗我室水深無涯魚鱉

傾側

無註

漸

五嶽四瀆地得以安高而不危敬慎

避患

無註

歸妹

南至之日陽消不息北風烈寒萬物

伏藏

春秋僖公五年春正月辛亥朔日

南至周正月今十一月冬至之日

日南極是也

豐

五利四福俱佃居邑黍稷盛茂多獲

高積

無註

旅

公孫駕車載遊東齊延陵子產遺季

紵衣疾病哀悲

左傳鄭大夫子產吳公子季札嘗

聘鄭與子產相得子產以紵衣獻

巽

季札

交亂當道民困愁苦望羊置群長子

在門

無註

允

金玉滿室忠直乘危三老凍餓鬼奪  
其室求魚河海網舉必得

無註

換

日入幽隱陽明隱伏小人勞心求事

不得

無註

節

頻逢社飲失利後福不如子息舊居  
故處申請必與乃無大悔

無註

中字

南有嘉魚駕黃取遊魴鱖詡詡利來  
無憂

南有嘉魚詩篇名燕享而作也

小過

黃裳建元文德在身祿祐洋溢封為  
齊君賈市無門股肱多根

易坤卦六五黃裳元吉文在中也

既濟

口不從心欲東反西與意乖戾動步

失使

無註

未濟

虎狼之鄉日爭凶訟叨尔為長不能

定從

無註

☵☶ 艮下咸

雌單獨居歸其本巢毛羽顛顛志如

死灰

無註

之乾

十窻多明道里通利仁智君子國安

不僵



無註

坤

心惡來怪衝衝何懼顏伯子騫尼父

聖母

無註

屯

鳥鳴呼子哺以酒脯高樓水處來歸  
其母

蒙

無註

國馬生角陰孽萌作變易常服君失  
于宅

按史記燕太子丹為質於秦求歸  
秦王曰待馬角生乃放子還既而  
咸陽馬果生角乃放歸其後陰謀  
使荆軻與勇士秦武陽刺秦失圖

秦乃滅燕

需

入宇多悔耕石不富衡門屢空使士

失意

無註

訟

情懦行賈遠涉山阻與旅為市不危

不殆利得十倍

無註

師

梁破橋壞水深多畏陳鄭之間絕不

得前

無註

比

雙鳧俱飛欲歸稻池經涉荏澤為矢  
所射傷我胃臆

無註

小畜

謾誕不誠倍梁滅文許人賣牛三失  
争之失利後時公孫懷憂

無註

履

南國凶飢民食糟糠少子困捕利無  
所得

無註

泰

狗吠非主狼虎夜擾驚我東西不為

家咎

無註

否

望龍無目不見手足入水求玉失其  
所欲

無註

同人

以鹿為馬欺誤其主聞言不信三口  
為咎黃龍三子中樂不殆

史記秦趙高欲為亂恐群臣不聽  
乃先設驗持鹿獻於二世曰馬也  
二世笑曰丞相誤邪謂鹿為馬問  
左右或默或言高陰中諸言鹿者

大有

以法後群臣皆畏高而不敢言鹿

養幼新婚未能出門登宋望齊不見

太師

未詳

謙

王孫季子相與為友明允篤誠升擢  
薦舉

史記高陽氏有才子八人謂之八  
愷高辛氏有才子八人謂之八元  
堯未及舉舜於是舉八愷使主后  
土舉八元使布五教

豫

山水暴怒壞梁折柱稽難行旅留連

愁苦

無註

隨

鷓鴣徙巢西至平州遭逢雷電破我  
葦廬室家飢寒思吾故初

無註

蠱

登高傷軸上阪弃粟販鹽不利買牛

折角

無註

臨

祝施王孫能事鬼神節用綏民衛國  
以存饗我旨酒眉壽多年

施當作鮑掌宗廟祭祀之官王孫  
名賈亦衛大夫

觀

九里十山道卻峻難牛馬不前復反  
來還

無註

噬嗑

枯樹不華空淵無魚蕉鳥飛翔利弃  
我去

無註

賁

雄狐唯唯登上山嵬昭告顯功大福  
允興

無註

剥

啞啞笑喜相與飲酒長樂行觴千秋  
起舞拜受大福

無註

復

大推破穀長舌亂國牀第之言三世  
不安

無註

無妄

男女合室二姓同食婚姻孔云宜我  
孝孫

無註

大畜

千仞之墻禍不入門金籠鐵疏利以  
辟兵欲南上阪轉萬不轉還車復返

史記燕樂毅圍即墨人曰安平之  
戰田單宗人以鐵籠得全是多智  
習兵因共立以爲將以拒燕

頤

華言風語自相詿誤終無凶事安寧  
如故

無註

大過

汎汎柏舟流行不休耿耿寤寐公懷  
大憂仁不遇時退隱窮居  
詩柏舟言仁而不遇也汎彼柏舟  
亦汎其流耿耿不寐如有隱憂

坎

大尾小頭重不可搖上弱下強陰制

其雄

無註



商

一身三口語無所主東西南北迷惑

失道

無註

恒

南行求福與喜相得封受上賞鼎足

輔國

無註

遯

過時不歸苦悲雄雌徘徊外國與母

分離

無註

大壯

堯舜在國陰陽和得逐聚衣常晉人

無殃

春秋魯哀公二十三年晉荀瑶伐

齊戰于犁丘齊師敗績知伯禽顏  
庚即齊大夫顏涿聚也

晉

周城之降越裳夷通疾病多崇鬼哭  
其公鳥子野心宿客未同

史記交趾南有越裳氏重三譯而  
來獻白雉謂道路悠遠山川阻深  
恐一使不通故重三譯而來朝也

明夷

申酉脫服牛馬休息君子以安勞者  
得歡

無註

家人

凱風無母何怙何恃幼孤弱子為人  
所咎

詩云凱風自南吹彼棘心陟岵詩

云無父何怙無母何恃

睽

出門上堂從容牖房不失其常天牢  
此戶勞者憂苦

無註

蹇

天厭周德命與南國以禮靜民兵革  
休息

無註

解

常業折衝佐闡者傷暴君失國良臣  
破殃

無註

損

合歡之國嘉喜我福東嶽西山朝齊  
成恩

無註

益

耕石不生弃禮無名縫衣失針襦袴不成

無註

夫

聾管閻管跛躄不行坐尸爭骸身被火災因其多憂

無註

始

長生太平仁政流行四方歸德社稷

康榮

無註

萃

桀跖並處民之愁苦擁兵荷糧戰於齊魯合鰲同牢姬姜並居

蚤音謹

升

南與凶俱破車失禰西行無袴亡其寶賂

無註

困

空槽注器豚彘不至張弓祝雞雄父飛去

槽當作槽

井

望尚阿衡太宰周公蕃屏湯武立為王侯

望太公呂尚也阿衡伊尹也太宰官名周公為太宰

革

朝鮮之地箕子所保宜家宜人業颺

子孫

箕子紂諸父武王伐紂遂歸周封於朝鮮

鼎

昔憂解笑故貪今富載榮履善與福俱遇

無註

震

叔迎伯兄遇卷在陽君子季姬並坐

鼓簧

詩君子陽陽閑周也君子陽陽左執簧右招我由房其樂只且

艮

順風縱火芝艾俱死三官集房十子中傷

芝靈草艾草名可灸被火俱死即

玉石俱焚之義三官或作三害未  
詳

漸

駕車入里求鮮魴鯉非其肆居自令  
失市君子所在安無危咎

無註

歸妹

拔劍傷手見敵不起良臣無佐困辱

為咎

無註

豐

亂君之門佐鬪傷跟營私貪祿身為  
悔殘東下太山見我所歡

無註

旅

慈母望子遙思不已久客外野使我

心苦

無註

巽

魴生淮卻一轉為百周流四海無有

患惡

無註

兌

甘露醴泉太平機關仁德感應歲樂

民安

甘露仁澤也聖德上及太清下及

萬靈則降醴泉水之精也聖德上

及太寧中及萬靈則出見鷩冠子

渙

桴薇出車魚麗思初上下從急君子

免憂

桴當作採采薇出車魚麗皆詩篇



名采薇言出戍之時采薇以食而  
念歸期之遠也出車之詩勞還率  
也魚麗之詩燕饗之樂歌也

節

豕生魚魴鼠舞庭堂雄佞施毒上下  
昏荒君失其邦

無註

中孚

三頭六目道畏難宿寒苦之國利不

可得

未詳

小過

驚雀銜笱以生孚乳昆弟六人姣好  
弟孝各同心願和悅相樂

無註

既濟

文君之德仁義致福年無胎天國富  
民實君子在堂曾累益恩

此言文王脩德行仁而天下歸之  
天當作天

未濟

秋梁未成無以至陳水深難涉使我  
不前

無註



巽下  
震上  
恒

黃帝所生伏羲之宗兵刀不至利以  
居止

太昊伏羲氏黃帝軒轅氏黃帝造  
五兵以征不享

之軋

登墀踈足南行折角長夜之室不逢  
忠直

無註

坤

燕雀衰老悲鴻入海憂不在鄉羌池  
其羽頡頏上下在位獨處

無註

屯

開門除憂伯自外來切切無患我之  
得歡

無註

蒙

効耕釋耜有所疑止空虛無子

無註

需

張牙切齒斷怒相及谷起蕭牆牽引  
吾子患不可解憂驚吾母

無註

訟

履不容足南山多棘毋出房闥乃無

疾病

無註

師

牛駢亡子鳴於大野申後陰徵罌歸

其母

無註

比

龍生于淵因風身天童虎炳文為凶

敗軒發輓温谷暮宿崑崙終身無患

充精炤耀不被禍難

無註

小畜

既嫁宜吉出入無憂三聖並居國安

無災

無註

履

北陸陽伏不知白黑君子傷讒正害善人

冬日在北陸日行北方黑道曰北陸出易通統圖

泰

一身兩頭近適二家亂不可治

無註

否

牝馬牝駒歲字不休君子衣服利得有餘

無註

同人

南行懷憂破其金輿安坐故廬乃無灾患

無註

大有

憂人之患履傷浮願為身禍殘篤心  
自守與喜相抱

無註

謙

咸陽辰已長安戌亥丘陵生上非魚  
鱈市可以避不終無凶咎

未詳

豫

不知何孫夜來扣門我慎外寢兵戎  
且來

無註

隨

昧旦不明暗我無光喪滅失常使我  
心傷

無註

盡

江陰水側舟楫破乏孤不得南豹無  
以此雖欲會盟河水絕梁

魏王豹叛漢漢王遣韓信等以兵  
擊之信為疑兵陳船欲渡臨晉伏  
兵從夏陽以木罌渡軍襲虜豹比  
當作比

臨

神之在丑逆破為咎不利西南人休  
止後

無註

觀

然諾不行欺天誤人使我靈宿夜歸  
溫室神怒不直鬼擊無目欲求福利  
適反自賊

無註

噬嗑

攘臂極肘怒不可止狼戾復佷無與

為市

無註

賁

販馬賣牛會值虛空利得甚少留連

為憂

無註

剝

高樓陸處以避風雨深堂邃宇君安

其所牝雞之息為我利弗求得弗得

易繫辭上古穴居而野處後世聖

人易之以宮室書牝雞無晨牝雞

之晨為家之索息當作晨

復



阿衡服箱太一載行逃時歷舍所之  
吉昌

阿衡伊尹號太一星名

無妄

飛來之福入我嘉室以安吾國

無註

大畜

不孝之患子為母殘老耄莫養獨坐

空垣

無註

頤

南過棘門鉤裂我冠闔之傷襦使君

恨憂

未詳

大過

重或射卒不知所定質疑著龜孰可

辟大明神報荅告以肌如  
著所以筮龜所以卜

坎

麟慶鳳稚安樂無憂捕魚河海利踰

從居

無註

離

新田宜粟上農得穀君子推德千百

以福

無註

咸

簪短帶長幽思苦窮瘠蝨小瘦以病

之隆

無註

遯

爭訟之門不可與鄰出入為憂生我

心患

無註

大壯

朽根枯株不生肌膚病在心腹日以

焦勞

無註

晉

兩師娶婦黃巖季子成禮就婚相呼

南上膏我下土歲年大茂

博物志曰太公為灌壇令武王夢  
婦人當道夜哭問之曰吾是東海  
神女嫁於西海神童今為灌壇令  
當道廢我行我行必有大風疾雨  
武王覺召太公問之果有疾風暴  
雨從太公邑外過

睽

日暮閉目隨陽休息箕子以之乃受其福舉首多言必為悔殘

易明夷卦彖曰利艱貞晦其明也內難而能正其志箕子以之

家人

昧之東域誤過虎邑失我熊齒飢無所食

齒音漬

解

鳥飛無翼兔走折足雖不會同未得

醫工

無註

蹇

藁蕭灑灑君子龍光鳴鸞雍雍福祿

來同

詩藁蕭諸侯朝于天子天子與之

燕以示慈惠故歌此詩蓼彼蕭斯  
零露瀼瀼既見君子為龍為光又

曰和鸞雖雖萬福攸同

明夷

冬採微蘭地凍堅難利走室北暮無  
所得

無註

損

五勝相賊火得水息精光消滅絕不

長續

五勝者五行相勝之義

益

東資齊魯得駢犬馬便辟能言巧賈

善市八鄰併戶請火不與人道閉塞

鬼守其宇

便辟謂習於威儀而不直

夫

爭雞失羊亡其金囊利不得長陳蔡之患賴楚以安

史記孔子在陳蔡之間楚使人聘之孔子將往拜禮陳蔡大夫謀曰楚若用孔子則陳蔡大夫危矣於是乃相與發徒圍孔子於野不得行絕糧使子貢至楚楚昭王興師

始  
迎孔子然後得免

九登十涉馬跌不前管子佐之乃能

上山

無註

萃

東鄰愁苦君亂天紀甘貪祿寵必受其咎意合志同自外相從見吾伯公

無註

升

三狸捕鼠遮遏前後死於壞城不得

脫走

無註

困

狼虎爭彊禮義不行兼吞其國齊晉

無主

齊桓晉文假仁義以尊周室自桓  
文之後天下失霸則諸侯無主愈  
僭亂矣

井

五嶽四瀆合潤為德行不失理民賴

息福

無註

革

六月種黍歲晚無雨秋不宿酒神失其所先困後通與福相逢

無註

鼎

駮牝龍身日取三千南上蒼梧與福為婚道里夷易身安無患

詩定之方中駮牝三千此言衛文公所畜之馬七尺而牝者亦已至

於三千之衆矣

震

出入休居安止相憂上室之權虎為季殘

定公五年季平子卒陽虎私怒囚季桓子與盟乃捨之八年陽虎欲盡殺三桓適而更立其所善庶子以代之載季桓子將殺之桓子詐



而得脫三桓共攻陽虎九年陽虎  
奔齊已而奔晉

良

南山昊天刺政關身疾病毋辜皆憎  
爲仇

詩小雅節南山云節彼南山又曰  
不弔昊天又曰昊天不平此詩家  
父所作刺周王用尹氏爲太師秉

國之均不能毗輔天子用威虐政  
以召禍亂民所憎惡甚於仇讎也

漸

蒼耳東從道頓跂躋日辰不良病爲  
崇禍

蒼耳馬也遯之小過曰騎騅與蒼  
蒼即蒼耳也

歸妹

兄征東燕弟伐遼西大剋勝還封君

河間

無註

豐

播輸折輻馬不得行豎牛之讒賊其父兄布裘不傷終身無殘

輸當作麟春秋成公十六年魯穆子去叔孫氏奔齊及庚宗遇婦人

旅

宿焉生子曰牛後復歸魯立為卿使牛為豎有寵長使為政牛不食叔孫叔孫遂餒而卒

駕之南海晨夜不止君子勞疲僕使

焦苦

無註

巽

怨風燒被忿怒生禍偏心作難意如  
為亂

按左傳意如魯大夫季平子名昭  
公二十五年伐季氏孟孫叔孫遂  
伐公徒公遜於齊次於陽州

允

張狂妄行竊食盜糧狗吠非主嚙傷  
我足

無註

渙

警蹕戒道先驅除害王后親桑以率  
群功安我祖宗

周禮宮正掌邦之事蹕以禁行者  
也古者使世婦蠶于公桑蠶室奉  
繭以示于君繅以為黼黻文章而  
服以祀先王先公

節

明戶之食困無誰告對門不通莫所  
歸急種歲五穀一花百葉

無註

中孚

被蔽復貌危者得安鄉善無患商人  
有息利來入門

無註

小過

壘壘壘壘如其之室一身十子古公  
治邑

古公周太王之本號修后稷公劉  
之業積德行義國人皆戴之熏鬻  
之難去幽邑于岐山之下幽人曰  
仁人也不可失也扶老携幼歸者  
如市

既濟

三嫗治民不勝其任兩馬爭車壞敗

室家

無註

未濟

蔽鏡無光不見文章少女不市弃其

卻王

無註

易林卷第八

